

太上老君說五斗金章受生經

爾時

太上老君在太清境上 大赤天中 黃金殿內 召五老帝君及東斗注算君 南斗上生君 西斗記名君 北斗落死君 中斗總監君 九天生神君 九天注生君 九天注祿君 九天掌籍掌算君 九天財庫祿庫君 九天消災散禍君 九天聖母九天太一元君 九天監生大神 北斗七元星君 南斗六司星君 本命元辰建生星斗君 各隨本部功曹靈官 金童玉女無量聖眾 一時同會 稽首禮拜 燒香散花 步虛旋繞 長跪道前 諦聽法言 太上老君廣宣要妙 告示五方五老一切聖眾曰 吾昔於

太上老君說五斗金章受生經

清微藏書閣

混沌之中 天地未分 元化體一 布氣十方 成就萬象 生天生地 負陰抱陽 陽氣上升 化生諸天 陰氣下降 化生諸地 陽之餘氣化為男子 陰之餘氣化為女人 陰陽二氣 混合自然 生生化化 乃有人倫 既有人倫 宿命因緣 有善有惡 有長有短 有貴有賤 有富有貧 善惡之報 如影逐形 如響應聲 作善善應 作惡惡成 種蘭得香 種粟得糧 為善降祥 為惡降殃 一切因緣 皆由福業 且人生下土 命係上天 人之生也 頂天履地 有陰有陽 各有五行正氣 各有五斗所管 本命元辰 十二相屬 且甲乙生人東斗注生 丙丁生人南斗注生 戊己生人中斗注生 庚辛生人西斗注生 壬癸生人北斗注生 注生之時 各稟五行真氣 真氣

混合 結秀成胎 受胎十月 周回十方 十方生氣 包  
羅元始 杳杳冥冥 其中有精 恍恍惚惚 其中有物  
視不見我 聽不得聞 離種種邊 名為妙道 妙道在人  
不可輕失 失之甚易 保之甚難 多迷真道 多逐邪  
源 多好淫殺 多好貪嗔 多沉地獄 多失人身 受生  
之時 五斗星君 九天聖眾 注生注祿 注富注貧 注  
長注短 注吉注凶 皆由眾生 自作自受 若人在世之  
日 心崇大道 供養天尊 孝順父母 和同六親 不嫉  
不妒 不貪不姪 或持齋戒 或作善緣 或受三戒五戒  
十戒十二可從戒 十四持身戒 二十四戒 三十六戒  
七十二戒 一百八戒 三百大戒 或修上清齋 金籙  
齋 三元齋 三七齋 庚申齋 甲子齋 本命齋 如是


## 太上老君說五斗金章受生經

清微藏書閣

齋戒 若有善男子善女人受持之者 名係天人 世世生  
生 不失人身 富貴聰明 人中殊勝 五體具足 十相  
端嚴 且人之生也 皆受五方五老帝君各降真氣 金章  
靈符 混合自然 化生為人

吾今宣說東方第一金章靈符真文神咒

東方九炁 始青天中 青靈始老 九炁天君  
真人按筆 下注人身 木德結秀 會道合真




此章靈符鎮人肝中 若人肝受病 以朱書燒灰服之 立  
愈

南方第二金章靈符真文神咒

南方三氣 赤靈丹天 丹靈真老 三氣天君

司命司錄 絳闕尊神 火德明秀 會道合真



此章靈符鎮人心中 若人心受病 以朱書燒灰服之 立愈


中央第三金章靈符真文神咒

總監眾靈 十二之天 元靈元老 十二天君

都錄校籍 主鎮脾神 土德鎮秀 會道合真

太上老君說五斗金章受生經

清微藏書閣




此章靈符鎮人脾中 若人脾受病 以朱書燒灰服之 立愈

西方第四金章靈符真文神咒

西方七氣 太白之天 皓靈皇老 七氣天君

記名安魄 主鎮肺神 金德堅秀 會道合真




此章靈符鎮人肺中 若人肺受病 以朱書燒灰服之 立

愈

北方第五金章靈符真文神咒

北方五氣 玄中之天 五靈玄老 五氣天君

追生落死 主鎮腎神 水德善秀 會道合真



此章靈符鎮人腎中 若人腎受病 以朱書燒灰服之 立愈

爾時 老君再說此五方真文神咒 即召五方五斗星君 降此靈符真文神咒 各授五斗星君 即以金書玉篆 各依其方 總得受持 注生世人 以此靈文安鎮五臟

### 太上老君說五斗金章受生經

清微藏書閣

各鎮人身 凡人性命 皆由九天生氣五斗星君本命元辰主掌靈神 若復有人能知根本 但遇三元五臘本命生辰北斗下日 嚴置壇場 隨力章醮 供養五方五老 乃吾化身注生聖眾五斗星君 本命元辰 醮獻錢財 以答眾真 注我生身 得生中國 得遇大道廕佑之恩 當生之時 天曹地府願許本命錢 且甲乙生人 命屬東斗九氣 為人受生之時 曾許本命銀錢九萬貫文 丙丁生人命屬南斗三氣 為人受生之時 曾許本命銀錢三萬貫文 戊己生人 命屬中斗一十二氣 為人受生之時 曾許本命銀錢一十二萬貫文 庚辛生人 命屬西斗七氣 為人受生之時 曾許本命銀錢七萬貫文 壬癸生人 命屬北斗五氣 為人受生之時 曾許本命銀錢五萬貫文

若有善信男女 種諸善根 善根不斷 世世為人 當須醮送五本命錢 天曹地府各有明文 十二本命 十二庫神

子生之人第一庫中 辰生之人第二庫中 申生之人第三庫中 亥生之人第四庫中 卯生之人第五庫中 未生之人第六庫中 寅生之人第七庫中 午生之人第八庫中 戌生之人第九庫中 巳生之人第十庫中 酉生之人第十一庫中 丑生之人第十二庫中 乃是生人各有財祿命庫 若人本命之日 依此燒醮了足 別無少欠 即得見世安樂 出入通達 吉無不利 所願如心 自有本命星官常垂廕佑 使保天年 過世之時 不失人身 得生富貴文武 星臨財星祿星 五福

### 太上老君說五斗金章受生經

清微藏書閣

照曜身命胎宮 安樂長壽 不值惡緣 若有男女生身果薄 無力章醮 可於本命之日 請正一道士 或一或二 或三或五 或於宮觀 或就家庭 持誦 五斗金章寶經 或以自願持諷 每誦一遍 折錢一萬貫文 又志心持念托化受生天尊 或千或萬 當來托生人中 三世長為男子之身 五體全備 十相端嚴 一切恭敬 得遇無上正真之道

是時

五方五老帝君 五斗星君 南斗六司星君 北斗七元星君 九天聖眾 本命星官 元辰星官 功曹靈官 金童玉女 一會神仙 得聞老君說此真經 一時歡喜 禮謝 各願受持 時有始老帝君 出班長跪 而作是偈

稽首禮謝 珍重而退

稽首真元無上尊 一心信奉不思議  
如斯妙法未曾聞 今日今時盡得之  
能為黑暗開光明 能為疾病作良醫  
妙哉神咒五靈符 誓願歸依各受持

太上老君說五斗金章受生經竟

天運辛卯年酉月正一天師清微弟子洪鼎堅羅大英恭錄彙編

太上老君說五斗金章受生經

清微藏書閣